

40061
24



宗鑑法林卷七十

集雲堂編

大鑒下二十三世

燕京報恩萬松行秀禪師

雪巖滿嗣

初叅勝默和尚令

看長沙轉自己歸山河大地話半載無所入默曰
我祇願你遲會師忽有省復看玄沙未徹語請益
雪巖巖曰待汝頭生角來腳手生出爪牙來然後
討棒喫師偶見雞飛鳴乃大悟曰今日不惟捉敗
玄老虎亦乃捉敗岑大蟲也巖曰不怕我笑你那

牙爪生來不露鋒山河轉卻寸絲中歸家不記來
路別有靈犀一點通

天愚寶

金雞午夜起飛鳴喚醒幽人夢不成雲散月明星斗
震大蟲捉敗眼縱橫

玄符印

報恩示衆機輪轉處智眼猶迷寶鏡開時纖塵不
度開拳不落地應物善知時兩刃相逢時如何回
互

愚菴孟云遍身綺羅者不是養蠶人

報恩示衆去則畱住住則遣去不住不去渠無國
土何處逢渠在在處處且道是什麼物得恁麼奇

特

愚菴孟云秤錘蘸酢

報恩示衆動則埋身千丈不動則當處生苗直須
兩頭撒開中間放下更買艸鞵行腳始得

愚菴孟云曾經巴峽猿啼處不是愁人也斷腸雪
岸睿云龍山則不然不動則埋身千丈動則當處生
苗直須兩頭捏聚中間提起敢有動著痛與三十棒
擬議不來白雲萬里

報恩示衆踢翻滄海大地塵飛喝散白雲虛空粉
碎嚴行正令猶是半提大用全彰如何施設

愚菴孟云琉璃殿上無知識

險崖機峻孰能攀盡令提獎祇等閒識取運籌帷幄

裏居然端拱在人間

頻吉祥

報恩示衆向上一機鶴沖霄漢當陽一路鷄過新
羅直饒眼似流星未免口如匾擔且道是何宗旨
愚菴孟云閉目食蝸牛一場酸澀苦 萬仞壁云大
似蚊子齧鐵牛無你啗啄處縱使電光石火中分得
緇素我也情知是光影底活計

報恩問僧俱胝豎指意旨如何僧乃豎一指師曰
祇者箇更別有僧無語師便喝出

龍唐柱云措大漢子隨人語脉裏走不識轉身一路
待云祇者個更別有便縮卻指頭不惟與俱胝相見
亦乃使天下人摸索不著

報恩問僧龍吟枯木異響難聞如何是異響曰不
會師曰善解龍吟

崇先奇云報恩老人雖別音響怎奈欠一著在者僧
善解龍吟祇是不知時節仔細看來也是別寶遇著
瞎波斯

橫拈鐵笛泛流沙一曲雲邊散落霞不遇知音徒費
力夜乘明月出蘆花

寒松操

報恩因僧問擦手那邊底人爲什麼不居正位師
曰大功不宰曰回頭者畔底人爲什麼不墮偏方
師曰至化無爲

白巖符云芳花叢裏不措一足萬年牀上嬾去安眠
獨許萬松個漢盡大地人無敢論量雖然你若作正
偏回互會墮拔舌犁畔地獄有日在

萬戶封侯誰不願子房何獨祇居畱還渠世有家傳
秘業就身辭道始優位中符二

野老相將擊壤歌皇風處處樂熙和此時諸葛多經
濟祇好囊琴枕薜蘿

大鑿下二十四世

西京少室雪庭福裕禪師報恩秀嗣僧問如何是祖師

西來意師曰待乳峰點頭卽向汝道

愚菴孟云乳峰點頭也道個什麼良久云火裏螞蟻
吞大蟲 寒松操云道卽太煞道著祇是乳峰未肯
點頭在 雪林義云三尊宿大似摩醯羅眼六字相
亞檢點將來好把龜毛縛住挂向山門外古木梢頭
一任日炙風吹且道菩曇意在於何選佛若無如是
眼假饒千載亦奚爲

爲尋春到百花洲尋到花洲春更幽啼鳥一聲山水

外風光不在柳梢頭

寒松操

雪庭因僧問如何是向上尊貴一路師曰漁歌驚起沙汀鷺飛入蘆花不見踪

愚菴孟云一字入公門九牛拔不出 崇先奇云有人透得過者可辨語滲漏

雪庭叅萬松松問從何處得者消息便能恁麼來師曰老老大大向學人納敗缺作麼松曰老僧過在甚麼處師曰學人且禮拜蓋覆卻

襁褓纔離便放嬌還他家世擅英標堪矜巖桂秋風好萬斛天香透紫霄

大方遷

玉管頻吹紫殿寒清虛月色照闌干侍臣夜受簾前

敕徒使金門擁百官

宗楷元

酣戰能忘落日斜閒名贏得滿天涯功勳不立凌雲

閣一曲琵琶弄月華

公九澧

直鉤閒引釣魚鰕卻有金鱗躍浪花根版輕敲歸去

罷一江新月映寒沙

伊菴彥

金毛生就便超羣萬仞巖前解轉身蹋破綠楊芳艸

徑孤峰迴出日嘖呻

頂一珠

雪庭問僧面壁石還有見達磨影者麼曰今日幸遇和尚師曰拄杖子幸遇上座上座乞供養他一頓曰

恩大難酬師擲拄杖曰脹殺懷州牛

釣鰲須是釣鰲手透網還它透網鱗霆激雷轟風雨
後滿船明月照通津 別牧純

大鑿下二十五世

西京少室靈隱文泰禪師 雪庭裕嗣 上堂塵劫來事祇

在於今河沙妙德總在心源試教伊覲面相呈便
不解當風拈出且道過在什麼處卓拄杖曰祇爲
分明極翻令所得遲

愚菴孟云祇如靈隱還拈得出麼若拈得出何不略
借一觀若拈不出河沙妙德向何處去也隔牆恩怨

如何說獨抱琵琶月下彈 龍唐柱云大小靈隱將

差珍異寶撒出當陽供養諸人了也拈拄杖云看看
見之不取思之千里 崇先奇云大小靈隱祇見錐
頭利不見鑿頭方

雲靄靄月沉沉有客離家產孤懷託素琴一撥洞天
欲得高山發韻相呈月窟那知流水無音風顛都賣
盡塞下起閒吟尋常謾說三分話那肯全拋一片心

寒松操

九轉金砂一口嘗丹成不屑搗玄霜懷胎兔老貪明
月玉杵空敲宇宙忙 湘翁云

靈隱因僧叅提坐具擬拜師曰天網恢恢疎而不漏曰本欲投誠被和尚穿住拜不下時如何師曰穿汝飯袋子到骨出有甚麼用曰也須將錯就錯便拜師曰錯你九玄七祖當甚麼盃僧無語師曰有頭無尾漢出去

來風一似有端倪事至臨期又著迷祇有漢王家法妙隨情制度有施為頻吉祥

大鑒下二十六世

西京還源寶應福遇禪師少室泰嗣因僧問如何是西來的大意師曰風送泉聲來几畔月移花影到

窗前

愚菴孟云大小祖師引人向聲色裏作窠臼好與三十棒除卻聲色也好與三十棒祇如愚菴吟點石化為金玉易勸人除卻是非難 南山寶云有能向者裏點得寶應老落處出方知釋迦掩室維摩杜口總是不守本分人 龍唐柱云轉功就位轉位就功則不無寶應若問山僧更有入理底句寒松盡夜無虛籟老鶴移棲空月巢 酥酪好將河漢攪黃金自是出泥沙教得兒孫會罵爺一聲驚落暮天霞聽來風韻名泉韻捉敗楊花當

月花片片飛來人不識無端贏得眼眯瞢

寒松操

陪錢終日學屠龍赤步丹霄解御風自笑一聲天地

窄花溪月下看飛鴻

湘翁云

大鑒下二十七世

南陽香巖淳拙文才禪師

寶應遇嗣

讀證道歌至幻化

空身卽法身處豁然契悟

愚菴孟云若向者裏悟去披毛戴角有日在 龍唐

柱云不離花下路便見洞中春會麼山僧借手行拳

去也乃舉長蘆上堂云幻化空身卽法身遂作舞云

見麼見麼恁麼見得過橋村酒美又作舞云見麼見

麼恁麼不見隔岸野花香且道香巖悟底與長蘆道
底還有差別也無

孤危一劍出昭關雪打鬚眉恨轉難順受逆行天莫

測江淮依舊水潺潺

湘翁云

水穿石竇雲鎖山隈無病空花安翳眼有疑弓影便

沉杯勘破了歸去來曾經三峽猿啼處不是愁人也

自哀

寒松操

香巖因讀證道歌有省往叅還源呈所解源詰曰

祇如道君不見是指阿誰師曰覲面相呈更無回

互源曰墮阮落塹漢作恁麼語師曰和尚作麼生

源曰汝口吟師曰勘破了也

夢回天曉畫堂春拈得菱花解轉身不信容顏渾似
我又騎驢子過西秦

珙堂樹

香巖因僧問如何是理法界師曰虛空撲落地粉
碎不成文曰如何是事法界師曰到來家蕩盡免
作屋中愚曰如何是理事無礙法界師曰三冬枯
木秀九夏雪花飛曰如何是事事無礙法界師曰
清風伴明月野老笑相親

崇先奇云香巖老人祇知指疆畫界不覺通身水泥
者僧會卽會也是紙上富貴若是四法界未夢見在
大明寶云香巖老子祇顧妙挾宗途不覺和身艸
裏鞦者僧雖得片地要且不解受用還會四法界麼
七九六十三收

赤帝子三尺龍泉無彼此除苛立法漢聲喧還鄉同
飲大風舞大風舞明月堂前父老歡分開雲袖龍飛
雨月屏

香巖上堂洞山麻三斤雲門乾矢橛大則塞破虛
空小則不成毫末可怪當年船子翁長竿釣破清
江月今宵月落潭空切莫喚龜作鼈大衆古人道
月落後相見且道相見箇甚麼倒拖拄杖歸方丈

長安豪富惜春殘爭賞新開紫牡丹別有玉盤承露
冷無人起就月中看頻吉祥

大鑿下二十八世

萬安松庭子嚴禪師淳拙才嗣因閱寶鏡三昧大豁疑

礙後上堂曰我不學諸方說禪浩浩地魔魅人家
男女僧出問達磨面壁時如何師曰正是浩浩禍
胎曰如何得剝絕去師曰倒搓芒繩縛鬼子須是
其人

封喉之箭蠱毒之湯觸亦何礙嘗亦何傷撲破秦時
照妖鏡拏雲攫霧豈尋常玉鞭一舉金街靜水魅山

魘沒處藏寒松操

燕額孤飛萬里心封侯誰信恨難禁安邦莫易挑邊
釁事重須知禍更深湘翁法

大鑿下二十九世

少室凝然了改禪師松庭嚴嗣叅萬安安曰路逢死蛇

莫打殺無底籃子盛將歸此是洞上宗旨若是莽
鹵禪和如何透得師曰莫是背觸不得底麼安曰
笑破山僧口師罔措安曰你在鬼窟裏討甚麼盃
師愈不安一日萬安上堂曰一言迴脫獨拔當時
師當下豁然

龜殼何曾支榻死蛇那用籃盛還丹祇須一粒嘯月
不在高聲但得雪消水國自然春到山城好生分付
遊客路滑切忌橫行

寒松操

白雲汾水漢時秋幾度黃河見逆流蹋遍落紅君莫
厭歸來賸有黑貂裘

湘翁法

凝然辭衆偈曰壽年八十七出息復入息擦手威
音外綿綿與密密

凍儂臨死不甘休嘔出心肝挂樹頭轉向那邊惆悵
望滄浪無限漲淡秋

別牧純

大鑿下三十世

西京少室俱空契斌禪師

凝然
改嗣

初參凝然然曰達

磨未來時你作麼生叅師疑之一日覩秦封槐有

省徑回侍立身甚戰慄然曰契斌叅得禪也何驚

疑之有師豁然曰某甲今日到此如紅爐中拾得

一片冰相似然領之曰洞上一宗密在爾躬矣

碎身寧可入微塵彼此難爲負義人拾得紅爐一片

雪光輝玉樹萬年春

湘翁法

立逼生蛇化活龍攪乾滄海鼓腥風擎頭帶角摩霄

漢吐出黃雲幾萬重

珙堂樹

俱空上堂不思善不思惡雲開日出有路當陽驢

覷井井覷驢月落潭枯無門可入

舌上寒霜眼上雲南柵星轉讀殷勤瓊花晏後聲名

迴海甸何人不載君

頻吉祥

俱空因僧問如何是空劫已前底事師曰烏龜向
火

愚菴孟云料掉沒交涉且道過在主家賓家者裏明
得方許你會空劫已前底事如或不明且看烏龜向
火 鳳山啓云五月五日午時節赤口白舌盡消滅

大鑿下三十一世

定國無方可從禪師

俱空 斌嗣

叅俱空空曰曾叅何人

師曰少室山前風悄然曰因甚一花開五葉師曰
無孔鐵錘百雜碎曰掠虛作麼師曰天下人祇解
掠實無一人掠虛曰不打自招師曰慣用底不妨
勘破

雷震山前起臥龍翻雲覆雨勢重重入鄜不畏洪波
險一擊從教正眼通牙利劍舌藏鋒吞天之氣貫蒼
穹英靈烜赫乾坤震萬卉香敷一夜風

寒松操

月夜靈妃鼓瑟還幽然雲珮度空山南來一段傷心
事淚滴香風翠藹閒

湘翁云

月覆青山掌上搏露珠滴滴下金盤和來玉屑非常

味共飲香沉紫閣寒

宗楷元

大鑒下三十二世

西京少室月舟文載禪師

定國從嗣

掩關閱萬松拈提

從上古宿機緣有若面牆一日忽有省乃曰曹洞

宗風有織錦迴文之功非鍼綫細密盤旋回互不

犯當頭者斷不敢主之既而翻然出關叅無方得

大了辦方爲印可

春雨山花燦錦秋風葉落飛金夜靜幽人得意猿啼

旅客傷心唳等閒若不登高望爭見東流海樣淡

百

愚斯

踢倒舊時糟粕瓮嗒然一笑機先用堂前不挂夜明

簾六月黃河連底凍

獨立邁

血戰功成信不欺龍光密密更饒誰長安萬戶歌明

月響遏雲迴禁殿吹

湘翁注

月舟示衆達磨西來以一乘法直指單傳令人見

性成佛至我少室如九鼎繫於單絲汝等諸人趁

色力康健打辦箇事直須努力莫閒過日

手無寸鐵已降魔變化神兵祇艸莎若問上來關楨

子崑崙折箸攪黃河

幻隱乾

大鑒下三十三世

北京宗鏡小山宗書禪師月舟參月舟入室請益
 密踐八載後繼席少室嘆曰先師去後海內宗風
 迨乎湮沒前輩有言叢林下衰弘法者多假我偷
 安不急穿拄之其崩頽跬步可須也某雖慙付囑
 其如法道何遂主之晚上京師住宗鏡

地缺東南水自寬波濤萬頃碧漫漫賺他無限癡男
 女按著泥坑砌甌甑南菴依

迎風殿裏罷雲和起聽新蟬步淺莎為愛九天和露
 滴萬年枝上最聲多鐵帆船

錦幄瓊林映日開絳庭親校列仙才化人獨駕千年

鹿云是崑崙頂上來玉崑崙

大鑒下三十四世

少室幻休常潤禪師宗鏡書嗣參宗鏡鏡舉我今不是

渠既不是渠畢竟是何人師呈偈曰若要識此人
 有箇真消息無相滿虛空有形沒踪跡曾為佛祖
 師未作乾坤則龜毛拂子清風生兔角杖頭明月
 出鏡復徵之師曰彩鳳飛翻身自在鐵牛奔咭意
 常閒鏡曰善哉

破鏡光飛不借緣金釵斜插玉花妍香英落地人難
 拾彩鳳銜將到日邊湘翁云

雷門布鼓赤壁鏖兵打開寶藏擊碎晶瑩帝網交羅
而重重相映珠光互照而灼灼圓明兔角杖挑彩鳳
舞龜毛繩繫鍊牛鳴縱橫不辨往來事到此難畱父
子情祇要功勳常顯世不知展轉振家聲寒松操

廩山蘊空常忠禪師

宗鏡書嗣

壽昌問法要師曰汝能

精進不冑自欺便是徹首徹尾工夫一日聞弟兄
論金剛經義甚快師曰宗眼不明非爲究竟昌聞
茫然自失乃問如何是宗眼師拂衣而起昌後請
益師曰我實不知汝自看取昌後於大好山語得
悟乃入方丈通所悟師曰悟則不無卻要受用得

著始得不然祇是箇汞銀禪也

永寧鼎云重賞之下必有勇夫祇如壽昌悟底是汞
銀禪不是汞銀禪

枝上流鶯和淚聞新啼痕閒舊啼痕數年魚鳥沉消
息今日關山勞夢魂粟菴鼎

大鑒下三十五世

大覺慈舟方念禪師

少室潤嗣

叅幻休休問甚處來師

曰北方曰北方法道與此方何如師曰水分千派
流出一源一日遊初祖面壁處契悟乃曰五乳峰
前好箇消息大小石頭塊塊著地詣室呈休休印

可之

透過鐵壁銀山蹋翻佛祖關軸法道南北而乃翠乃
森石頭大小而成笑成哭水出萬派流露滴千竿竹
森羅遍界總空花更向何處開兩目咄六六元來三

十六

寒松操

玉勒騎回一紫驪驍騰直蹋萬峰頭回身蹴落巖前
石浪湧澄潭桂轂秋

湘翁法

壽昌無明慧經禪師

廩山忠嗣

問僧趙州道臺山婆我

爲汝勘破了也勘破在什麼處曰和尚今日敗闕
了也師曰老僧一生也不奈何好教你知若實會

舉似來看僧擬進語師打一棒曰者掠虛漢

棲霞成云臺山一案拈卻多少人鼻孔換卻多少人
眼睛者僧也解詐明頭及乎老漢拈出個柴頭向他
面前吹一吹直得退身無路且道者一棒他還知落
處麼

壽昌曰冒雨衝風去披星帶月歸不知身有苦惟
恐行門虧

子山仁云栽秧晨早出看水夜忘歸大義通身是阿
誰有點虧

壽昌閱傳燈見僧問與善如何是道善曰大好山

師不諭其旨一日因舉石忽然大悟

廣州城外一片石多少刺史移不入老僧舉起似諸
方孟嘗夜度秦關黑神莫測鬼莫測三百年來大好
山巍巍占斷大唐國

南菴依

處處春風艸離離不堪悲處更堪悲巨靈劈破華山
路虎勢龍威在此時

巨音選

塞壑填溝大好山等閒一石露斑斑牧牛場上家聲
好千古風流祇此閒

玉崑崙

大鑒下三十六世

越州雲門顯聖湛然圓澈禪師

大覺念嗣

叅雲棲棲舉

高峰海底泥牛話問內有一句且道是那一句師
推出傍僧曰大衆證明棲領之

愚菴孟云彼時此語傳之海內直得須彌山震動大
洋海波翻阿修羅手擎日月高聲唱云邪正不分過
由旁僧 崇先奇云披沙揀金還他雲門老漢手親
眼快若是內中一句莫道雲棲便是高峰老漢亦拈
不出何故大衆證明

雲門因大覺說法止風塗師往叅之覺問止風塗
向青山近越王城畔滄海遙時如何師曰月穿潭
底破波斯不展着

問處鉤淡答處幽金鍼玉線意相投洞門烟鎖難窺
覷鏡眼銅睛盡縮頭淡水洽

雕龍俊馬竟千秋才辨當年動列侯大澤祗今雲氣
合春江來許老羊裘恨亭挺

東越相逢幾醉眠滿樓明月鏡湖邊別離吟斷西陵
渡楊柳秋風樹樹蟬鏡帆舟

雲門因鶴林叅五臺山達觀可盤桓夜溪觀曰你
信得及麼林曰信得及觀曰旣信得及請將法華
經拋入屎桶看林如所言諸方疑駭師往勘之間
鶴林有此事否曰實有此事師曰汝信得及麼曰

信得及師曰旣信得及割取頭來林不知所措師
曰虛頭禪客觀聞曰阿耶阿耶鶴林萬劫地獄雲
門一語出之矣

東明際云二尊宿一人有殺人刀無活人劍一人亦
有殺人刀亦有活人劍

雲門因紫柏月川二師黃慎軒陶望齡諸公翫月
次軒問馬祖南泉翫月因緣乞師一語師曰你坐
我立不得爲說軒亟起謝過川曰內翰錯過了也
柏曰我下語不及此老

沒孔簫吹驀地聲紛紛相和未知音太史風流偏解

意停腔獨取故人心

南菴依

溼陰千尺照人寒
歷亂青山幾得安
更恨鄰家閒不寐
一時又向遠峰看

密菴可

脫略無羈絕瀟灑
南北東西沒可把
意氣卷舒六合雲
眼光爍破四天下

德微昱

雲門因僧問如何是大用師曰打殺千萬人不名性躁漢

百丈泐別云賺殺天下人不名性躁漢
握宗符云雲門祇有殺人刀且無活人劍
百丈祇有活人劍且無殺人刀
或有人問疑山如何是大用但云我王庫

內無如是刀且道與古人相去多少

雲門因僧問古鏡未磨時如何師正色厲聲數其往事僧作瞋告辭師曰且磨者一點著僧禮拜

河漢如銀風露橫
滿天肝膽向人傾
祇因座上無相識
蘆管臨風又一聲

南菴依

翠微淡處暗香飄
紅吐山花朵朵嬌
一片白雲橫谷口
笑他歸鳥自迷巢

寒松操

雲門因僧問如何是圓相師曰大燒餅

烹金琢玉老鉗鎚
指出當陽絕是非
分付天池搏漢客
免教影落大圓機

宗直諫

說處何如做處親掀翻瓦礫是黃金誰能解和陽春
調鐵笛吹開白雪吟

雪岸庵

雲門一日上堂說法畢忽召衆曰還有問話者麼
若有出來我祇要打艸驚蛇僧纔出師曰真是一
場業地卓拄杖便下座

愚菴孟云者老漢圖得一時俊快不顧後人檢點者
片地從古至今何曾清淨得來偶然一時驚艸卻被
者僧靠倒

雲門上堂老儂不識元字腳強出人前要說法錯
讀曾參作魯參合堂大衆皆笑殺笑笑笑中有妙

若還悟得其中意點破當頭者一竅且道如何是
者一竅良久曰動容揚古路不墮悄然機

錯讀曾參作魯參雲門太煞放癡憨當頭一竅輝今
古何必揚着落二三

牧菴密

雲門因僧參乃問你行腳事作麼生僧畫一圓相
師劃破僧敲桌三下師卻畫一圓相僧又敲桌三
下師又重畫三圓相僧以手抹卻師曰離此之外
別道一句看僧擬議師便喝出

東明際云者僧將成九仞之山不進一簣之土 錦
德寒云我若作者僧待道離此之外別道一句看卽

拂袖便出

共將餠餅賣街頭與奪從容得自由變局換旗功始
立輸他一著不封侯

山茨際

負笈歸來敘畫堂言言喜不甚參商及乎話到干情

處轉盼雲山成渺茫

天鼓聲

月窟飛花霜空激電奪胎換骨存機變龍吟鍊樹髑
髏乾虎嘯金飈天地轉腦後既轟錐當門仍按劍我
王庫內誰甄辨拈來拋向大江東萬派千山盡仰宗
歸元會

雲門因鴛湖謁問目前無法意在目前其旨如何

師曰聞令師出關是否曰不是目前法非耳目之

所到又作麼生師曰請出我要止靜湖便出

狹路相看一段奇灼然賓主禮無虧就中更有些譌

處不是苦心人不知

介菴進

鳳管鸞簫隔綵霞不知墻外是誰家重門淡鎖無尋

處徑有碧桃千樹花

無依壅

大鵬搏颺蒼龍出海動絃別調旁觀色改相攜相語

自縱橫明州有個憨布袋

牧公謙

日閒猶未掩柴門客到堂中奉玉樽休話楚山春色

好常畱明月在前村

全越祖

雲門因僧問如何是學人自己師曰你無自己曰
爲什麼學人無自己師曰你有自己則不從我覓
拈來芒梗勝靈鋒殺活乘時不放鬆倒卓秦山歸去
也玉梅香度耶溪風 位中符

尋入桃源路轉賒烟霞撲盡問仙槎秦餘不識家何
處洞口雲封吐碧花 證心修

雲門上堂忽雞鳴乃曰呀金雞上座爲汝轉第一
義諦根本法輪了也諸人在者裏更討甚麼盃

水檻沙平冷石臺清風細雨雜香來臨風三弄江城
笛魂斷湘裙掃落梅 恨亭挺

流水高山寓意淡子期去後少知音而今說與瞻風
客不是尋常離別情 思懶融

雲門因中丞蘇雲浦問鴛鴦繡出從君看不把金
鍼度與人如何是金鍼師曰我在京師走一遭不
曾遇著一人浦復問師曰古佛過去久矣

崇先奇云雲門金鍼暗擲孤負鴛鴦獨繡中丞錦衣
夜行不思故國風光 鳳山啓云祥麟不踐生艸大
鵬恥宿雞棲齧鏃之機驚羣之句誰敢追風但末梢
頭太煞老婆若是不肖待復問便與一棒教者俗漢
疑三十六年

雲門因僧問如何是異類中行師曰輕打我輕打我曰我會也師曰作麼生會僧遂驢鳴

崇先奇云者僧雖善步趨猶欠返躑檢點將來也是邯鄲學唐步 白巖符云雲門師翁一生眼腦端正氣宇清明無端引者僧向瞎驢痛馬隊裏作活計不肖孫則不然如何是異類中行但云木作頭泥水作頭解作頭石作頭 雪岸睿云向異類而作佛事須是雲門始得未免引人銜鐵負鞍無有了期我則不然如何是異類中行清淨法身圓滿報身千百億化身

轉步溪山眼倍明落花淡處艸青青生來頭角雙雙子踪跡依然沒處尋 宗遠源

撥轉機輪古路頭野田荒岸恣優遊不知陌上蟬聲切也解風前報早秋 尊道啓

釣盡若耶溪上月吹殘玉笛洞中春夜來不向淡宮宿一櫂漁歌過孟津 山容波

雲門在雲棲因津送亡僧回棲問衆曰亡僧遷化向甚麼處去師出衆曰謝和尚挂念

愚菴孟云雲門老漢雖善機宜還須替者僧入涅槃堂始得

目前機得逢源了一處打墻兩處好者邊躲得驟雨
過那邊便見清風曉轉身歸唱三江曲錚錚韻出青
霄杳

維新起

霜天畱飲故情歡銀燭金爐夜不寒若問吳江別來
意青山明月夢中看

思懶融

雲門上堂前山頭鴉鳴後山頭鵲噪祇者是○○
沉思卽不妙啞子喫黃連有口不解道

雲巖祥云雲門老漢擬欲坐斷天下人舌頭而不知
也是李向赤邊敲復頌

玉龍岡上鳳凰飛啄碎珊瑚月下歸唬得一聲天亦
動重重海國夜傳衣

雲門因僧問恁麼來時如何師曰戲論曰不恁麼
來時如何師曰戲論曰恁麼不恁麼來時如何師
曰戲論曰向上更有事也無師曰戲論

無腔笛弄彩雲橫翻盡梅花調不更假有知音能側
耳滿懷肝膽一時傾

雪岸磨

宗鑑法林卷七十 終

宗鑑法林卷七十一

大鑒下三十六世

信州博山無異元來禪師

壽昌經嗣

因登廁覩上樹人

大悟見壽昌曰近日如何師曰有箇活路祇是不許人知曰因甚不許人知師曰不知不知

寒松操云若論者條活路非但他師資拈弄不出直饒達磨到來也做手腳不及

古宅門開趁曉行風飄香帶錦衣輕高情人話滄洲

集雲堂編

上碧海雲空柳絮橫

全越祖

逼歲不堪殘臘盡梅花喜見綻枝頭錦衣公子恣狂
態勒馬翩翩雪徑遊一歌一曲故友是投醉眠村酒
樂悠悠

南菴依

玉帛朝回望帝鄉烏孫歸去不稱王天涯靜處無征
戰兵氣銷爲日月光

黑歷智

獨步空堦曙色微風高卉木露全機轉身不蹋來時
路贏得清風滿袖歸

寒松操

山月縞中庭幽人醉初醒不是怯春寒愁蹋梅花影
誕登清

博山因壽昌以立則禪師答僧問龍吟霧起虎嘯
風生話命頌師衝口頌曰殺活爭雄各有奇糶糊
肉眼何能知吐光不遂時流意依舊春風逐馬蹏
棲霞成云掀翻海嶽須還拔地之才驅走雷霆要有
滔天之作博山此頌拔地之才有矣滔天之作具矣
要五百年名世鳳舞岐山十萬里傳心龍吟枯木又
須別有話會處始得

轉天關還他作者掀地軸須是其人恁麼龍爭蛟鬪
那知驚苦魚辛廓情塵鍛凡煉聖掃立路電卷雷轟
唳會見皇風成一片山青水綠舊乾坤

慈雲文

龜毛拂上兔角杖頭面皮撥轉自在風流

典善康

博山因僧問如何是道師曰紅綃曰紅綃莫是道麼曰不是道曰既不是道因甚麼答以紅綃師曰因你問道答你紅綃

回雁高飛太液池新花低發上林枝年光到處皆堪賞春色人閒總不知

南菴依

江南春動雪初消澹蕩風光夜色饒遊子貪觀天上月那知春色在梅梢

寒松操

一度咨詢一度親樓臺烟雨釀春溫無端掩映池塘裏梳羽鴛鴦入畫屏

靈燄燭

建陽東苑晦臺元鏡禪師

壽昌經嗣

因有省以偈呈壽

昌曰識破不值半文錢可憐摸索幾多年宗流盡

是欺心漢說甚祖師別有禪昌曰你且道那裏是

趙州勘婆子處師厲聲曰和尚莫作怪昌爲大笑

曰叅禪要到者一著始不受人牢籠師禮拜

棲霞成云東苑被壽昌冷地一錐若無後語禍事禍事

自掘淡坑自活埋偷生無計怨誰來翻身拾得泥團

子錯認驪珠作寶懷

慈雲文

烏藤七尺趁閒行打雨敲風過一生轉過溪橋逢舊

友忽然踢斷艸鞵筋

東苑見僧來便曰者漢子失了魂來者裏作甚麼
僧擬對卽以棒逐去

鼈頭一醉曹山酒家業渾然不知有憑將此個奪魂

丹電雷卻教顛倒走休亂走道道梅逢忍

赤骨聿雙窮相手精光邈邈一藤根全身坐斷鬼門

路要與閻浮人返魂海慧惺

福州鼓山永覺元賢禪師壽昌師讀法華經至我

爾時爲現清淨光明身遂問昌曰如何是清淨光

明身昌挺身而立師曰祇此更別有昌起行師當

下豁然如釋重負隨入方丈通所得昌遽棒之三

曰向後不得艸艸仍示偈曰直饒跨上金毛背也

教棒下自翻身師疑之因甚更要棒下翻身越四

載因過延津聞僧誦經曰一時警欬俱共彈指是

二音聲徧至十方諸佛世界由是徹見壽昌用處

自從拾得摩尼寶一到延津徹底傾赤骨貧來無一

物依然眷下露雙睛覺海文

四月新荷香滿池熏風拂拂透羅帷黑甜驚起心何

快說向時人幾得知葉舟順

懸巖碧落眼生花吞吐三千曉嶂霞個裏分明原底

事從他門外駕三車 真嬾定

一步行來一步高誰知棒下不相饒臥龍得水與波

浪舶主輕舸過海潮 卽成見

是二音聲閉口談清光搖落海門寬一時彈指全機

露棒下翻身毛骨寒 子愚詰

大鑒下三十七世

茗溪指南明徹禪師 雲門澄嗣 一日同麥浪懷侍雲門

次門曰老僧四大不調和汝能療否師曰蒼天蒼

天浪曰謔語作麼門曰不如者箇不識字底

誕登清云瞑眩之藥難瘳不治之疾雲門結胸之症

漫以參苓是投無怪雲門自用硝黃

青天白日鼓風雷雲鎖蒼山霧鎖巖俊鳥喧喧啼不

徹分明有眼不曾開 道權高

老子一身三雜病兒童競進二陳湯料當祇得三年

活淚盡難辭哭彼蒼

夜明符執在機先淡入洪波浪潑天縱使鯨鯢能變

化一鉤搭上釣魚船

明因寺麥浪明懷禪師 雲門澄嗣 示衆洛陽牛犢食禾

頭荆益田疇減半收舜若多神枵腹死江河淮濟

淚長流

撰述
完金法本卷之十一
誕登清云明因借別家墳墓哭自己心事瞞不干涉
者即得倘遇彼之親眷未免令人絕倒

一段真風畫不成明吹暗度送君行泥牛吼破澄潭
月石馬加鞭不進程

天寧鴻

佛日石雨明方禪師

雲門澄嗣

住雲門時因黃端伯訪

問明頭來時如何師曰耶溪不許扁舟宿日暗頭
來時如何師曰此去錢塘尚隔津

青門林云橫抽寶劍不犯鋒鋌須讓作家居士發揮
偏正宏闡先宗還他沒量師翁諸仁還識二老落處
麼若也識得正如楊修見幼婦自然一覽便知妙設

若未委更聽一頌

一語投機話更長白蘋紅蓼滿瀟湘月船夜半乘風
去不犯東西用意良

佛日因僧問如何是主中主師曰江南不會帶得
來曰爲甚不會帶來師曰也虧你

萬花叢裏沽村酒九曲河邊泊釣船醉把絲綸隨手
擲蓑衣斜挂夕陽天

佛日初閱楞嚴至如汝文殊更有文殊處身心世
界打成一片後因病值雲門上堂曰放下著師通
身慶快呈偈有會得竿頭舒卷意放生原是釣來

魚門痛加呵斥後聞僧舉大慧剝荔枝話遽然軒
渠一笑

萬仞峰頭擲釣竿荔枝吞吐逼人寒烟蓑笠斜陽
外狼藉珊瑚碧玉盤

好木材

蘆灣淡處月三更紅蓼花開江水清耐若耶溪上
客箕裘續得振家聲

谷雲清

月映澄潭徹底清金鱗夜靜向光行忽然一躍翻身
轉便是桃花浪裏鯨

兩樵愚

因風凝寒冰結不瀾玉龍遊泳在淡潭迅雷擊發蒼
溟窟大放鯤鯨吸海乾

雪筠赤

一聞放下便抽身罷釣歸來別有春舒卷竿頭無限
意海天空湛月華新

輻虛轂

佛日因僧問如何始得不染污去師曰巡人犯夜
岸斜乳云白刃橫施鋒鋌不露須是師翁始得芝山
又且不然有問如何始得不染污去但道新荷擎雨
蓋風動遠香生

佛日問白巖甚處來曰贛州師曰崆峒和尚卽今
在甚麼處巖近前問訊曰恭惟和尚起居萬福師
曰錯了也曰情知和尚慣壓良爲賤師曰錯錯
相逢圯上敘情餘納履分明要抑渠逗到末梢無可

奈殷勤只得授仙書

獨芳櫟

佛日再住天華因僧問石繖已收天華再布盡力
舉不起底句乞師指示師曰班門弄斧曰西河震
咄未為奇北斗藏身猶是鈍師曰賣油娘子水搽
頭曰恁麼則知恩有地酬價無涯去也師曰大衆
看取者僧

惟一楫云者僧雖能看孔著楔始終要見盡力舉不
起底句子未免錯自承當寶壽毫力不著轉轉有出
身之路檢點將來猶未剝絕或有問山僧石城已離
寶泉復到如何是盡力舉不起底句但向道試看道

人巖畔月夜來清照飲牛溪

杭州愚菴三宜明孟禪師

雲門澄嗣

因僧問二親俱喪

時如何師曰好箇消息曰還假保任否師曰一翳
在眼空花亂墜

堂上已無親父母眼中撥出翳空花行盡三更明月
路黑漫漫地渡流沙

海慧惺

愚菴問僧何去僧曰弁山師曰吾有一信煩帶得
麼曰得師震威一喝僧罔措師轉身便行僧至弁

山如前舉畢山曰者漢若來可居第一座

維新起云愚菴師翁太虛空裏著色弁山伯祖沒絃

琴上知音若是起上座又且不然待僧云得便就地
畫一圓相而坐不惟使者僧立身有地亦且鴻信可
通何故吟回頭盡屬兒孫事祖父從來不出門

輕財不吝因家富點額無依窮子哀徒自矜
友訴衷情又被穿顛肇暹昇

鼻頭拽脫笑呵呵俊逸風流有許多昨夜大蟲遭虎
咬天明不見舊時窠正觀詰

愚菴叅雲門進堂約不語戒正提撕忽門入堂高
聲曰放下著師不覺掀着一笑門問懷州牛喫禾
為甚益州馬腹脹師曰問取露柱曰祇如樹倒藤

枯畢竟句歸何處師曰長江翻白浪曰尚疑你在
師遂呈偈曰觸處逢伊石繖峰前一帶溪
門遂揄之師拂袖出曰落花無限春山暮就路還
家聽鳥嘯

石繖峰高萬木秋耶溪溪畔毒龍游落花無限春無
限樹倒藤枯笑未休雨樵愚

震法雷兮雨法雨玻璃盞貯獅王乳僻愛蘇堤山水
閒風流月夜誰堪語乾子裕

掀着一笑達心空抹過須彌不露踪滄海蹋翻藏不
得逆流洞水鎮寰中輻虛轂

東山爾密明復禪師

雲門澄嗣

因探友德清舟中聞鑼

聲有省舉似雲門門曰此夙根所致耳尚須知有

向上一著師唯唯一日門上堂曰放下著師忽全

身脫落作偈曰夜半霜寒月忽低行人到此盡遲

疑翻身蹋斷來時路點點星暉斗柄垂

鑼聲驚起碧潭龍頭角崢嶸宇宙空作浪雙江無遮

覆琵琶曲裏顯宗風

雨樵愚

決志叅詢寢食忘銅鑼聲裏證圓常竿頭月映耶溪

水流出光華滿大唐

爾卓璨

鑼聲一擊豁心空古鏡堂前不樹功直待虛空成粉

碎一毫頭上定綱宗

崇効玉

爾密示衆立功勳存照用大似緣木求魚收視聽

除聰明何異牯牛取乳又道道非見聞覺知不離

聲色言語據如上說畢竟如何行履良久曰路逢

死蛇莫打殺無底籃兒盛將歸

青山疊疊水重重說與行人路不通莫若歸來桑柘

裏村歌社舞樂從容

海慧惺

香雪具足明有禪師

雲門澄嗣

因僧問久滯不通時如何師曰數珠在手曰音聲未息時如何師曰葶藶

等閒攜手入紅塵步步相隨不是親終日與渠離不
得有時發笑有時瞋界弘量

海客臨淵問路頭漁翁一一為君酬可憐不遇弄潮
手直至而今在半途道權高

機輪軋軋暗相投話到傷心淚欲流一陣金風吹落
葉天涯何處不驚秋

弁山瑞白明雪禪師

雲門澄嗣

參雲門門舉斬貓話師

於言下知有將蒲團拋出曰一語下徐州後於過
橋次門曰谿水潺潺汝試道看師曰敲空有響擊
木無聲門笑而領之越六日師聞鐘聲乃大徹

耶溪水清清過於水弁嶽山高高過於山敲空有響
兮大地咸聞擊木無聲兮搗碎須彌相將父子兮越
國風流拋出蒲團兮月照蜃樓蹋徧天涯路收回一
指頭石嵩乾

爐火均調煉鐵錘重輕分兩不曾虧等閒拋出青霄
去打落天邊白鳳兒拙菴朴

鐘聲吼出迸雲雷曠劫無明當下灰跨腳上船便歸
去閻浮在處卻春開圓鑑達

蒲牢驚落午天星百丈山頭亂點金不看花梢流夜
月且張石繖蔭天人放牛歸馬寰中主打鳳羅龍化

外賓倒騎虎頭收虎尾家聲何處不新新

獅乳器

金鐘一扣透雲門擊木敲高格外論水過橫橋流不
悉清聲朗朗古今存

世調廸

虛空粉碎得無由卻使蒲團笑未休一擊鐘聲天地

淨花梢明月五湖秋

趙目詰

弁山問萬仞壁園房下事作麼生壁曰清明下種
師曰佛法不似者箇道理曰二年一春師曰未離
聲色在壁拈起棗子曰者箇喚作色得麼師曰不
喚作色喚作什麼壁曰青州有

兩刃交鋒勢莫休旌旗閃爍海山愁一聲戰罷歸來

晚明月清風滿御樓

宗楷元

將軍雖有收番志怎奈番人不肯降戰罷歸來天未

曉滿庭狼藉盡刀槍

慈雲文

烟波江上泛輕舟慣向驚人浪裏遊但得竿頭逢稱
意不須輪櫂下青州

弁山晚叅一葉扁舟浪裏顛絲綸拋去看浮錢鈎
頭忽爾金鱗現不負漁翁冒晚煙遂以拂子作擲
釣勢曰山僧今夜拋鈎擲釣莫有負命底鯤鯨麼
出來吞啗看時有僧出禮拜師曰元來是箇蝦蟇
樂禪耀云駕無底船撒漫天網老漢固是善爲檢點

將來大似無風起浪者僧雖是慣入洪波不合貪他
香餌一釣便上縱使有金鱗之作未免甘作蝦蟆彼
時若遇山僧便好奪卻拂子掀倒禪牀管取老漢一
場懨懨

想見田門鼎食喧大開東閣待英賢當時不有雞鳴
客朱履三千也枉然

慈雲文

弁山晚居崆峒時以禪版東敲西唱凡有僧請益
亦敲禪版示之

雲巖祥云虛靈神會妙應無方不知支那國裏有幾
許世界正恁麼時還有知弁山落處底麼霜天月落
夜將半誰共澄潭照影寒復頌

一聲鐘徹曉天星拜別丹墀不奉君自此寒光空大
野優曇悉向火中生

弁山因居士問一念未起時如何師曰石人戴鐵
帽曰渾然忘念時如何師曰夜半日頭落

雲巖祥云弁山師翁意欲與伊拈卻炙脂帽子脫下
鶻鼻汗衫殊不知月明山靜夜空淚子規聲

弁山上堂飄零黃葉振古佛之家風遊行雲顯
當人之面目快覩戒珠晃耀鑪岳崔嵬一道神光
貫穿今古雖然更須知有轉身一路且作麼生是

轉身一路化功歸已琴堂冷退位朝君古殿寒
雲巖祥云芳叢俱斂艷枯木有花開劫外春風吹散
一湖冰月則固是若論轉身一路須是讓別人道去
始得

弁山叅金粟適上堂次師出衆便喝粟便打師又
喝粟又打師曰者老漢敗闕了也便歸位

福善品云黑豆未生芽青黃的辨龍馬忽浮圖誰分
奇偶果乃寶印當陽那管千差異致二大老驀劄相
逢逗到節角交頭灼然賓主不異祇如弁山道敗闕
了也且道敗闕在甚麼處放去直衝金鼓陣收來卷

卻萬鋒威

弁山因僧問如何是不思議境界師曰螺螄吞大
象

當頭不顧按龍泉劈破虛空血濺天鐵壁銀山俱粉
碎毘藍風起電機旋

珙堂樹

弁山一日指桃花示衆曰靈雲見桃花悟道諸人
見桃花因甚不悟一僧曰和尚見桃花時如何師
曰老僧不曾眼花曰爭奈卽今何師作咳嗽聲曰
老僧有病出去

昔日靈雲曾失眠如今舉起誑兒孫時來一陣摧花

雨又見飛英落滿村

雪岸瘡

弁山到金粟值擡船次問虛空駕鐵船時如何粟
便打師接住拄杖曰波浪湧千尋時如何粟欲打
脫拄杖不得師曰情知和尚無下手處粟曰且道
承誰恩力師彈指一下

碧空雲外玉輪懸萬里銀河浪拍天兩岼蘆花兩岼
雪扁舟應逐好風還

雪岼瘡

弁山上堂月鉤雲餌整常拋湛水澄潭正寂寥有
時浪裏吞鉤去收卷絲綸喜氣高大衆且道收綸
卷釣一句作麼生道良久曰桺條橫串花籃裏街

坊高叫賣新鮮

香餌閒拋逐浪浮水淡魚密暗吞鉤老漁得意歌歸
去明月蘆花滿釣舟

慈度傳

瀛山雪關智闇禪師

博山來嗣

初叅博山事槽廠因見

磨鼻拽脫忽有省呈偈曰直下相逢處由來絕覆
藏舌頭原是肉嚼碎也無妨一日山令首衆問如
何是人天眼目師曰頂門上曰還假照鑑也無師
曰山不見山曰不虛叅見作家來師掩耳而出

夕陽斜畔路頭賒東望鄱湖水似車蹋碎山前行履
處幾回風月落梅花

殊音宜

銀山雪夜結冰花磨鼻呵呵笑作家昨日藍關無阻
礙朝陽傾刻是天涯禪指培

幾度歸家未到家乾坤推轉轉周遮自從蹋碎梅花
月青白眼中愛著沙崇効玉

方塘細艸夕陽斜隱隱柳梢歸暮鴉腳下芒屨宜緊
捎冑隨明月蹋蘆花維新起

磨盤無腳顛倒走拈得鼻孔失卻口獨瞎人天正眼
睛虛空大作獅子吼海慧惺

淮安檀度嵩乳道密禪師博山來嗣因采茶次忽白雲
從澗底起師覩之有省呈偈博山山曰者且置祇

如一口氣不來向甚麼處安身立命師曰不向和
尚通去處在山曰莫便是你安身立命處麼師曰
道密終不作此見解山曰好與三十棒

澗底白雲生嶺上橋邊樵子過前溪仙源望去無他
樹萬丈龍湫家最西分付遊人看路滑幾多天外著
雲迷笑殺倚門傍戶漢只將鶴唳當鶯啼南菴依

白雲澗起豁雙瞳謾謂安身不與通父子機關真險
峻烏藤三十闡宗風弘機猷

檀度上堂枯木寒巖時節至春風吹起律筒灰石
人撫掌呵呵笑莫認春牛是土堆

誕登清云恁麼爲人只有殺人刀且無活人劍誕登
不然春牛只是土安排及節逢時亦俊哉贏得東風
生大野百花香自此中開

浪高巴峽洪波滾倒卷煙霞帶日傾兩岸未歸江上
客更聞猿叫斷腸聲

道權高

檀度因僧問如何是類墮師曰靈犀翫月曰如何
是隨墮師曰木馬遊春曰如何是尊貴墮師曰坐
不當堂

誕登清云以折箸攪滄溟能使魚龍知命則不無嵩
祖只是未愜曹山之意顧左右云者裏具三墮

太平治業元無象野老家風古至淳只管邨歌并社
飲那知舜德與堯仁

天寧鴻

長慶宗寶道獨禪師博山來嗣因僧問一切諸佛皆從
此經出如何是此經師震聲一喝

一喝當陽誰會得忙忙宇宙錯商量秋風昨夜來何
處大地如銀一片霜

德實信

風掃陣雲清海嶽龍施膏雨潤蒼生枯枝朽石渾無
賴徒費雷公電女情

獨峰竹山道嚴禪師博山來嗣嘗榜三問勘驗方來一
曰獨峰路險把關令嚴欲到者試借公驗看

水陸一般到帝京寒風朔雪不勝情磨穿腳底何如
坐得意方知手眼精

正觀詰

青山突吼水長流翠竹黃花爛熳秋此景此時人得
意百年公子忽封侯

回龍古航道舟禪師

博山來嗣

因僧問真覺有言石卵

爆盡檉枝掃地吾當再來師今繼席莫再來麼師
曰誣人之罪以罪加之曰恁麼則據款結案也師
曰一狀領過

石卵爆開黃鶴去檉枝低亞鳳凰來白蘋紅蓼秋江
冷鐵笛無端奏落梅

海慧惺

逢場作戲逞英豪兩陣交鋒志氣高今遇太平無象
日旌旗不動酒旗搖

德實信

蕩盡家園赤骨貧白雲巖下暗移身蹋翻鳥道虛空
轉錦繡乾坤絕點塵

崇効玉

古航因博山上堂師出問鐘未鳴鼓未響還有佛
法也無山曰木人井底吹石女溪邊舞師曰語中
玄一句如何道山曰夜半正明天曉不露

德實信云博山高高山頂立立不見頂古航淡淡海
底行行不溼腳要問佛法二字猶欠悟在
春暖相呼出翠微時行時坐渾忘歸黃昏一陣東風

雨難免渾身透溼衣

誕登清

枯木寒巖絕點塵凍雲淡鎖嶺頭春冰肌梅萼傳音
信隱隱馨香冷醉人

道權高

鳳樓高卷曙光寒太古文明見也難直入禁闈忘局
鎖彤雲翻作雪花看

天寧鴻

博山雪礪道奉禪師

博山來嗣

聞雞鼓翅叫大悟曰柏

子焚殘燄欲無鄰雞忽聽一聲呼昔年錯認驢覷
井今日方知井覷驢

譙樓鼓歇夢初醒忽聽雞聲報曉鐘莫道井驢從此
悟井驢拈卻始心空

非臺鏡

冶父星朗道雄禪師

博山來嗣

因僧問跨虎頭收虎尾

猶是時人窠曰如何得絕斷衆流萬機寢息師曰
如汝所問

道權高云冶父卸卻頂上鐵枷要且無人証盟

勞勞亭上十分春忍把離情付水濱唱罷陽關三疊

曲借他官柳送行人

海慧惺

夾岸桃花紅似火滿堤柳絮白如銀天風一陣來何
處狼藉枝頭多少春

朗師機慣得其便卻將貓尾拌貓飯獲兔蒼鷹早已
歸幾多犬被枯椿賺

非臺鏡

金陵天界覺浪道盛禪師

東苑鏡嗣

因荆國主請陞座

僧問今日荆國主設齋還有受得王者供養也無
師曰香風吹萎花更雨新好者曰恁麼則梵王帝
釋皆當稱讚也師曰莫怪山僧不下牀

紫浮岨云寧可戴角披毛斷不甯瞎卻一師僧眼浪
老人較些子者裏則不然還有受得王者供養也無
有甚餽餽飽子快下將來

內使頻添寶鴨香彤庭月落正當堂有人借問宮中

事尊貴天然懶下牀

海慧惺二

出處何如聚處多各擡身價歎憊懽風流不在搽

粉只要情真對阿婆

凌雲鳳閣奏簫韶引出仙姬越樣嬌細語含情歸洞

府惟聞環珮響飄颻

金鐸文

天界叅東苑苑問曾聞博山提唱維摩經否師曰
曾聞苑曰彌勒得一生受記作麼生師曰大有人
疑著苑曰你又恁麼去師異之圍爐次師舉古德
劫火洞然話有云壞有云不壞此意如何苑曰你
又恁麼來師後呈生平所見苑然之

黑白分明神妙局當頭一著似難逢巖前快遇知音
者斧爛柯銷看不窮

亭山充

虎嘯巖前興獨誇
驀然枯木產新芽
親承雨露空今古
別轉生涯吹玉笳

無葉花

悟了還須出見人
武夷山裏喪家珍
誰知一種生涯別
夢筆花開大地春

智圓鑿

一語機投志可酬
家私蕩盡轉風流
夜來石女呵呵笑
萬里天邊擁玉樓

子愚詰

天界因僧問如何
是大藏教詮不出
底意旨師曰
淚出痛腸曰末後拈花又作麼
生師曰要頭斫將去

堪嗟認影迷頭人
指出重關又問津
恨殺口門生太

窄只將肝膽一時傾

道權高

花冠卸却忘尊貴
輸與傍人坐翠微
大義經詮重剖露
言言見諦不相違

弘鼎教

天界一日問僧
去年貧未是貧
今年貧始是貧
你道香巖在那裏
安身立命曰
錐也無立甚麼
命師曰
亡命漢向艸裏
鞦作麼曰
何處是艸裏
鞦師曰
黃連作馬鞭

玉管頻吹劫外心
喚回枯骨作龍吟
雲蒸碧海無人會
空引金波貫古今

普濟龍

蹋碎乾坤絕點塵
無踪跡處莫藏身
蟭螟眼裏翻筋

斗躍馬揚鞭過孟津

崇効玉

太平無事傳邊將
苜蓿烽前立信旗
喝起陣雲彌海
上一聲鼙鼓挫全師

海慧惺

太平時節論干戈
萬里沙場艸也無
若是久經行陣
者收兵惟在一聲鑼

正魁喆

開元爲霖道霈禪師

鼓山上賢嗣

上堂無見頂相箇箇圓

滿爲什麼我顯汝
隱鏗王座子人人有
分爲什麼我坐汝
立知麼鑊鄒未出匣
游絲千萬丈等閒拈
出來一斲一切斲

明月清風孤嶼外
白雲流水斲橋西
寒光一片明如

鏡混不得兮類不齊

崇効玉

子陵淡隱富春山
閒把絲綸釣碧灣
蝦蟇寥寥秋水
靜空將明月伴鉤還

慈雲文

宗鑑法林卷七十一 終

宗鑑法林卷七十二

集雲堂編

尊宿

未詳
嗣法

福州東山雲頂禪師因僧問如何是和尚日用事
師曰我喫飯汝受饑曰法法不相到又作麼生師
曰汝作罪我皆知

法林音云理不借處爭敢侵著它一些子道不礙時
又何嘗有一物為對為待此是東山見處若約法林
門下正是白日迷路復頌

越水吳山引斷腸春風夢裏繡鴛鴦箇中法法不相
到明月依然照故鄉

翡翠貪魚渚芷邊青錢點碧水中旋隨風上下渾無
礙數數閒情別有天

栗菴鼎

雲頂因僧問如何是和尚一枝拂師曰打破修行
窟曰恁麼則本來無一物也師曰知無者是誰曰
學人罪過師曰再思可矣

法林音云佛來也斬魔來也斬東山究竟不知者拂
子來處若一槩放過何異截鳧續鶴 未寧鼎云好
一枝拂者僧拈不起東山用不得未寧慣行平展要

且難爲分析

雲鎖蒼崖花滿溪行人到此路猶迷一聲嘯鳥出幽
谷正是仙家對奕時

海慧惺

重門吏散印刁刀片紙從教聳骨毛欲問中書堂裏
事紛紛劍戟似蓬蒿

法林音

峰頂池開十丈蓮香風吹醒洞中仙斜冠倒履雲端
現故爾蹣跚聲色前

栗菴鼎

雲頂因士問洞山道有一物上拄天下拄地未審
是甚麼物師曰擔鐵枷喫鐵棒曰天地黑山河走
師曰閻老殿前添一鬼北邙山下臥千年士呼快

撰述
活快活師曰也是野狐吞老鼠

法林音云蠱毒之家水莫嘗東山既不能覷透价老
心肝爭免數百年後帶累者漢活葬在洞山門下復
頌

荆棘巖前出老根多年猶帶血斑痕不知何處腥風
至徒向荒郊欲返魂

劃斷千江白雪紛赤梢沉困暗消魂漁翁夜半鳴榔
急大叫天明失路行

栗菴鼎

高郵州定禪師因僧問透網金鱗以何爲食師曰
乾屎橛

法林音云百尺竿頭不知轉身之路空扭捏三聖鼻
孔萬仞巖前不解垂手之機徒模糊雲門眼睛今日
有人恁麼問法林終不肖祇有受壁之心 未寧鼎
云索價八百擬酬一千可謂高邁古今在今之世十
箇五雙背秦忘楚者多摹腹問心者少

鐵壁銀山湧出來當頭一掇便成灰錦鱗若解生頭
角迸破青天走逆雷

海慧惺

蹋碎佛堦襯馬蹄殘紅飄處印香泥清波湧出遊艇
子遙望蘆花一色迷

法林音

鄭州普照寺佛光道悟禪師身著白衫跨黃犢吹

短笛遊於洛中嘗曰道我凡耶曾向聖位中來道
我聖耶又向凡位中去道我非凡非聖耶卻向毘
盧頂上別有行處

法林音云佛光貪它一粒米卻將曩劫熏修狼藉殆
盡且道那裏是貪它粒米處

手內瑯玕七尺筇穿雲度水活如龍有時拈在融峰
上劃破青天不放鬆

澗菴怡

茅菴縛就傍雙林拄杖常隨過別岑謾道渠儂無住
處滿山枯木似龍吟

法林音

溫州靈雲省菴思禪師結夏上堂以大圓覺牛角

馬角爲我伽藍瓜籃菜籃

法林音云掀翻威音那畔了無踪跡可尋掃除今世
門頭不畱一些餘習要且無出身之路

霜葉飛飛月一天閒將錦瑟調牕前知音欲得周郎
至故意時時誤拂絃

慈雲文

歷歷古今磨晝夜怱怱日月跳雙丸不知天地爲誰
老畱得青山畫裏看

海慧惺

縛箇菴兒傍水灣惟畱心事對青山幽居不問朝堂
事鎮日寥寥獨掩關

法林音

泗川大癩禪師所至以勘驗爲事過雪竇乃曰者

換述
老漢口裏水漉漉地竇曰你不肖老僧那師曰果然口裏水漉漉地以坐具一搥便去直歲不甘趁至中路損師一足師曰此是老漢使之它日須折一足償我竇果如其語

法林音云雪竇水漉漉底後折一足償它大瘤水漉漉底直歲打折一足還償得雪竇也未復頌

詩腸僅比酒腸寬痛飲揮毫興未闌引雨寒烟入戶急柳弓葦箭帶心肝

瞋不是瞋打亦非打得人一牛還人一馬白雪陽春唱高和寡兩箇獨腳可知禮也

植山樹

杭州雲棲蓮池祿宏大師謁笑巖於柳巷求開示巖曰阿你三千里外來開示我我有甚麼開示你師恍然辭歸過東昌道中聞譙樓鼓聲忽大悟述偈曰三十年前事可疑三千里外遇何奇焚香擲戟渾閒事魔佛空爭是與非

承天惺云雲棲雖然悟去爭奈墮在半途若要歸家穩坐直須掉轉頭來再見笑巖始得 法林音云歸馬華山之陽放牛桃林之野雖則南向讓三北向讓再依然征誅而得天下復頌

上園歷罷到江濱滿眼紅黃入夢頻興罷歸來無覓

處故鄉端不在西秦

水到燕山心不正撞頭偏遇打頭風可憐拶破東昌
鼓喪盡家私兩手空

慈雲文

東昌門外鼓騰騰驀拶虛空撲地崩拈得紅爐一片

雪卻是黃河六月冰

予哉元

雲棲因侍郎王宗沐問夜來老鼠唧唧說盡一部
華嚴經師曰貓兒突出時如何王無語師自代曰
走卻法師畱下講案遂頌老鼠唧唧華嚴歷歷奇
哉王侍郎卻被畜生惑貓兒突出畫堂前牀頭說
法無消息無消息大方廣佛華嚴經世主妙嚴品

第一

法林音云既不能格外追問又不能格外提持豈善
作者乎致令王公死在句下不見道大凡宗師不可
祇一路也復頌

毘盧樓閣月朦朧剝剝塵塵絕異同堪笑善財無覓
處清光狼藉粉牆東

西風愁起綠波間菡萏香消翠葉殘細雨夢回鷄塞

遠小樓吹徹玉笙寒

粟菴鼎

主重重也伴重重一夜深談性海空二十四幢平榻
地不知誰撞玉樓鐘

辨才海

撰述
三金法本卷之二
雲棲因僧問叅禪念佛可融通否師曰若然是兩物用得融通著

法林音云天地一理萬法一如大師不妨會盡祇是中心樹子猶望它人討保在

孤山梅白非因雪雪谷香生不是梅梅雪兩忘丰骨露清香隱隱襲人來

寧壽恒

桃源洞裏卜幽棲雞犬桑麻樂有餘采得黃精和白朮一時收入藥葫蘆

海慧惺

滿山筍蕨滿園茶歷落巖前鬪晚霞午夜夢回纔一顧般般風味不須賒

法林音

雲棲新春日示衆今日賀新春歲時重換卻昨日作麼生十二月廿八

法林音云拈頭作尾拈尾作頭不知四時密移那管日月推遷更贈一柄帚帚去館驛門前作生涯

青山日伸頸綠水夜揚舂握管虛空判寫出舊鍾馗

界弘量

華陽道士咒金鐘鬼谷先生祝卦筒惟有東村王大伯渾家燒紙送年窮

海慧惺

水色山光皆入詩一行鴻雁影差池醉後不知天地窄梅移牕外月來時

法林音

雲棲嘗自贊曰十畫九不像惱殺丹青匠庶幾此
近之權畱作供養若道者便是依然成兩樣不兩
樣三十棒

慈雲文云雲棲道庶幾此近之大似折空花濃淡較
兔角短長 法林音云款出囚口要且三十棒也祇
令行一半復頌

三個猢猻夜簸錢翻來覆去絕中邊巖前忘卻來時
路水底徒分上下天

秃帚拈來巧畫眉塗唇赤土美西施自憐越國人烟
積擁翠樓頭錯認伊 粟菴鼎

自梳雲鬢理宮粧十曲春風九斷腸打破菱花雙照
影一時羞殺杜韋娘 環六間

紫柏達觀真可大師聞誦斷除妄想重增病趣向
真如亦是邪大疑之一日齋次忽大悟乃曰使我
在臨濟德山座下一掌便醒安用如何若何

法林音云從門入者不是家珍既不能胸襟流出縱
然瞠開睡眼也是倚門傍戶

八駿圖邊騰逸足掀翻槽櫪脫羈銜當時伯樂如相
顧管取千金製錦鞍 寧壽恒

哭月狂猿攀古樹嘯風猛虎踞懸崖人間別有通霄

路不必行從者裏來

誕登清

清風明月兩相留獨傍溪邊覓舊遊轉過巖前偶一笑扶桑日出海門秋

法林音

瑞州黃蘗無念淡有禪師因僧問道果有耶果無耶師曰說有說無二俱成謗曰如何卽得師曰無求卽得曰如何是道之體師曰滿口道不著曰四大離散時如何師豎起拳曰者箇不屬四大

法林音云把住時海闊山遙放行處纖塵不立若人透得許與古佛同叅更須知向上有一人在復頌不勞井底種林檎桃李滿園俱是金萬里區區歸未

得可憐明月印波心

歷盡千山與萬山白雲影裏轉身難爲君指出竿頭路須信拘盧不在南

辨才海

無念因僧問古人并卻咽喉唇吻道將一句者一句如何道師曰我不并卻咽喉唇吻你且道一句看僧無對師曰你被音聲塞卻口

法林音云者僧被音聲塞卻卽且置無念老漢且道脫得也無

老將鎮邊關單于盡胆寒太平歸故國露布寫平蠻

定生純

邊關那聽假鷄鳴車馬蕭蕭不放行關吏謾言刻薄
甚從來符節要分明

法林音

夔州白馬寺儀峰方象禪師因僧問如何是西來
意師曰兩頭燒火一頭烟

法林音云西來大意道者何止萬千者漢較些子祇
是不合杜撰復頌

颯颯清風掌上仙謾拈雙袖繞雲烟高歌一曲乾坤
暗塔影倒插波底天

望梅止渴太惺惺齒頰津生任吐吞路不齋糧尸不
肩謳歌鼓腹徧乾坤

粟菴鼎

儀峰手中常執一鼗鼓一面書蠱字一面書犇字
凡應機多舉而搖之

法林音云在儀峰門下不道全無若是今時何異擔
水河頭賣復頌

神頭鬼面幾多般拈出當陽不等閒一曲兩曲誰會
得卻將紈扇掩慚顏

覲面神鋒不露形血痕零碎似春淋生靈兀兀知還
否可歎晨昏臥翠陰

粟菴鼎

廣信府鵝湖養菴心禪師畫大圓相於壁間內寫
莫教塗黑外寫勿使傷白有人向圈裏圈外下得

注脚者許汝學道不然總是憊懼

法林音云正不立玄偏不附物鷺湖盡力顯揚了也
千載之後爭能免箇以已昏昏使人昭昭 末寧鼎
云鷺湖無端畫地爲牢要截斷天下人脚跟殊不知
帶累自己生陷地獄

明月堂前寶鏡開正偏無地可安排何如室內陳家

晏把酒行籌暗裏猜

海慧惺

吸盡湘江數派清迢迢桂轂夜初明蟾光萬斛沒藏
處無限遊人夢裏行

法林音

養菴嘗置無門鎖室中以驗方來偈曰上古畱傳

鎖憑君智鑰開若無開鎖法相見不須來

法林音云且道是無門鎖不是無門鎖復頌

夾路黃花色色新遊人空逐馬蹄塵幾回逃卻來時
路苦雨復聞鳩喚頻

門墻萬仞許誰窺造室升堂幾箇兒若是自家親骨

肉家風狼藉播支離

粟菴鼎

韶州曹溪憨山德清大師閱肇論至梵志出家白
首而歸鄰人見之曰昔人猶在耶梵志曰吾猶昔
人非昔人也忽有省曰今日始知鼻孔向下妙峰
曰何所得耶師曰夜來兩箇泥牛鬪入水中去至

今絕消息峰笑曰且喜有住山本錢

承天惺云憨大師雖知鼻孔向下定不知眉毛在上
法林音云住山本錢卽不無若要見梵志直是未
在妙峰當時何不與它本分艸料復頌

何處老仙吹鐵笛聲聲吹出故鄉來百年舊夢渾如
昨無限心思當下灰

憨山叅笑巖寶巖問何處來師曰南方巖日記得
來時路麼師曰一過便休巖曰子卻來處分明師
便禮拜

法林音云一人顛頂一人懵懂兩箇漢脚跟躑至半

空中直至如今猶未點地在

南來修阻路三千陸有征車水有船公驗分明雖放
過艸鞵依舊要還錢

澗菴怡

洞裏桃花逐水流是誰箇裏盪輕舟家人忽憶當年
事六月涼生萬井秋

法林音

纔動腳跟早已差南來况且路途賒縱然來處分明
也點檢將來未到家

崇効玉

杭州真寂聞谷廣印禪師叅龍池傳和尚適池負
暄階下師問曰和尚在那裏池曰恰好不在師便
禮拜池休去

法林音云真寂禮拜具眼不具眼如今師僧家祇管
說和盤托出又道是納盡敗闕恁麼會又爭得
寧鼎云與麼來卻與麼去若是出門句子直饒四大
部洲打箇之遶來可曾夢見否

蓬萊深處玉爲屏極目烟波雙眼青仙子不知何處
是惟聞伐木響丁丁

法林音

臨行把臂太躊躇反覆叮嚀意自殊趁晚歸途山徑
滑回頭還識故人無

栗菴鼎

雲封秦樹路封苔何處漁郎闖入來隔岸殷勤問仙
子爲言松際鶴初回

慈雲文

真寂辭行池送至門外撫師背曰老姪我還疑你
在師曰甚處疑某甲池曰如何是密啓其意師曰
今日不打宜與轉池呵呵大笑師戴笠便行

法林音云直饒頂笠便行密啓其意端的千古疑案
李白乘舟將欲行忽聞岸上蹋歌聲桃花潭水淡千
尺不及汪倫送我情

海慧惺

野水粼粼引恨長田家父子爲誰忙雨蓑高挂夕陽
外小麥青青大麥黃

法林音

漁翁垂釣曲江濱出沒烟波不記春自說孤舟寒水
畔不曾逢著獨醒人

定生純

海虞破山洞聞法乘禪師一日謂巖天池曰穹窿
山昨夜點頭矣不知居士道箇甚麼勿謂三世諸
佛口挂東壁也如居士灑灑落落不妨我哆哆和
和

承天惺云洞聞老師含血噴人先污其口非但令巖
公不甘穹窿山未免冷笑去在 法林音云縱然灑
灑落落哆哆和和穹窿山橫點頭有分復頌

白蘋紅葉兩無期夢裏關山月到遲千里長安無住
處指頭蘸血寫秋思

欲向湖山訪舊遊偶逢嘉客共扁舟分明話盡篷牕

月未必湖山暗點頭

辨才海

順天府大千佛寺徧融真圓禪師因陸五臺問如
何是文殊智師曰不隨心外境曰如何是普賢行
師曰調理一切心曰如何是毘盧法界師曰事事
無礙陸歎曰今而後萬殊一體我知之矣

法林音云陸五臺祇知萬殊一體不知一體萬殊如
何是文殊智盲人摸象如何是普賢行慣嫌拖犁拽
耙如何是毘盧法界趁出淫房未還酒債且教伊疑
七年

一片桃花紅似火滿堤楊柳綠如烟桃花月落迷蝴蝶

蝶楊柳春淡泣杜鵑

定生純

華嶽三峰倒卓天清風明月爲誰還閒看野鳥棲巢處偃蹇蒼髯顛復顛

法林音

順天府潭柘古淵福源禪師復叅廓樂樂曰你來耶親切處道一句看師進前曰卽日恭惟和尚尊候萬福曰如何是佛法大意師曰滿口牙是骨耳朵兩片皮樂作色曰何曾見圓明來師卻問如何是佛法大意樂喝師擬議樂打曰滿口牙是骨耳朵兩片皮師始大悟

法林音云若悟在圓明處實不知牙是骨耳是皮若悟在廓樂處端何曾見圓明來

紅爐焰裏種芭蕉長出亭亭百尺苗驟雨狂風連夜作不知誰倚綠天高

海慧惺

烏鵲橋邊雲鬢鬣乘槎河畔月朦朧古人遙與分秋恨不覺渾身淚染紅

法林音

從來壯士氣如虹赤腳捎空過海東翻手拏雲覆扞雨厲聲喚起碧潭龍

道權高

寶頂曉山元亮禪師示衆瓮裏何曾走卻鼈鰕跳元來不出斗出世若無堅固心六道輪迴空自走兄弟們卽今入寶山還有不空手而歸者麼設有

正須朝打三千暮打八百

報恩純云若道堅固心出得六道輪迴更當入地獄
如箭射 法林音云要得了脫六道輪迴直須除卻
堅固心始得復頌

朝打三千暮八百輪迴六道何時歇寶山笑倒黃番
綽瓮裏何曾走卻鼈

焦頭爛額鬢髮鬆平演真機信不通未是口門能陷
虎猶來齒缺不關風 道權高

南康府雲居顓愚觀衡禪師時有聞上座謂師曰
諸方手段縱好殺人必有血痕和尚殺人莫道血

痕氣息也無師曰你又來塗污病僧

法林音云莫道血痕連刀子也不會摸著

瀟湘漁父逢三閭落日孤舟若放爲珍重汨羅江上

水夜來蘭芷莫深思 海慧惺

淺水平田卽便休相逢狹路不勝愁看它鷓蚌相爭

處祇有漁翁暗點頭 法林音

雲居因僧問婆子具何手段便燒卻菴師曰諸供

養中法供養最曰菴主便去未審是何意旨師曰

明槍易躲暗箭難防

法林音云恁麼莫屈宅婆子麼恁麼莫屈宅菴主麼

若要兩不相屈何不來問法林復頌

裊裊綠楊傍水邊行人到此盡茫然
長江一練渾如洗帆影誰分上下船

野店春風颺酒帘遊人勒馬口垂涎
幾回欲向宅家飲怕解貂裘當酒錢

定生純

一任青山雲出沒意行淡入薜蘿層
露眠艸宿渾無礙又見峰頭月作燈

鐵機信

雲居因僧問如何是二種根本師曰
火性燥水性溼

法林音云二種根本雲居灼然道著
如今若有人問

法林祇爲伊據款結案復頌

好風好雨過前川紅葉紛紛寄恨還
午夜夢回不忍看雙峰依約半空懸

火性燥水性溼明眼衲僧難辨別
一箇胡盧兩箇瓢生鐵蒺藜當面擲

仰明旭

雲居因僧問如何是常住真心師曰
青山突屺綠水長流曰真心與妄想相去幾何師曰
黃花燉燉

翠竹珊珊

法林音云灼然語不知偏正法不知倒邪
爲人卽禍生法林恁麼批判莫道也是老婆見解
德實信云

裂破面門古今獨邁猶較些子若是真妄二心未免
笑殺露柱

晚日斜風雁弄沙惟將心事寄流霞不知霞可如心
否一派遙分千萬家

法林音

月映洞庭秋水寒碧雲散盡楚天寬風恬浪靜平如
掌動蕩星辰在玉盤

道權高

日長風暖柳青青北鴈歸飛入宵冥岳陽樓上閒吹
笛贏得春心滿洞庭

出庵曉

翠巖古雪通詰禪師開爐上堂翠巖啓大爐韜柴
炭渾無半塊一雙赤手空拳煨盡凡情聖解且道

煨盡後如何火裏唧螻吞卻螃蟹

法林音云一期施設足稱良匠若是躍冶之金自然
別有生涯復頌

火裏唧螻吞卻蟹一回鼻痛自心酸今來古往英靈
漢好肉無端祇自剗

寒風乍起碧天空幾片閒雲過嶺東白雪三冬山谷
冷陽回大地萬花紅

道權高

西江吸盡無涓滴四海於今信不通赤手打翻凡聖
窟唧螻螃蟹總成龍

辨才海

翠巖因僧問如何是本來面目師曰階前石磔盤

僧禮拜師曰看看磔盤動也

法林音云動底是石磔盤不是如今有一等借蝦爲目底便道古雪借事明心因物彰理復頌

攜筇獨自訪烟霞訪得烟霞不憶家謾道仙踪無覓處好山多是被雲遮

一錘擊碎精靈窟市地腥風冷逼人撼動稠林溪水

碧歸家就路賀新聲

栗菴鼎

自入終南種术田錯教人喚洞中仙瓮頭春熟長生

酒盡日醺醺枕石眠

環六聞

翠巖因僧呈偈有萬象森羅露真容之句師問如

何是真容曰雪後始知松柏操師曰松柏是萬象如何是真容曰全機獨露師曰露後如何曰心外無法師便打

德菴心云者僧著著有出身之路不虛親見作家若非翠巖本分鉗鎚也勘它不破然雖如是若到衲僧門下棒折也未放在

江西泐潭元白通可禪師上堂死蛇把作活蛇弄曹家女千古風流雪峰攛下拄杖真箇嚇人寶峰攛下拄杖可有要喫嚇底衲僧麼平地商量千峰互峻一任當堂打破古鏡

法林音云直饒打破古鏡也是活蛇作死蛇弄卻

雲裏飛龍擺赤梢腥風陣陣雨飄飄無端攪動滄溟

水平地波濤萬丈高

寧壽恒

竹葉交加迎眼綠桃花爛熳襯頤紅東君雙手齊分

付九十春光似夢中

法林音

語出團圓無縫罅東拋西擲意閒閒赤腳波斯剛踢

著通身不覺骨毛寒

粟菴鼎

元白上堂有時言句硬如鐵有時言句軟如綿遇

薑則粹遇鹽則鹹且道遇著達磨祖師如箇什麼

西天梵語東土華言

承天怡云泐潭雖有湛水之波且無滔天之浪 法

林音云法林卽不恁麼遇著達磨如箇什麼呼來拽

磨輓輓轉喚去拈犁迤邐行復頌

終朝無事巧梳妝結打同心寄與郎郎意不知如妾

否鴛鴦空帶淚千行

殘月沉沉冷浸陂平橋柳影映淡池行人莫向欄邊

立正是淡閨夢斷時

粟菴鼎

盡把家私贈與人一身贏得一身貧生涯到處齧豬

狗滿口牙關似鐵釘

道權高

杭州積翠惟一普潤禪師示衆麻換布絲換絹買

處貴賣處賤所以道蓋子撲落地碟子成七片莫
動莫移不遷不變卓拄杖曰若能直下承當虎溪
分汝半院

法林音云承當亦不難淡恐半院黏著然陳穀爛芝
麻拈出不妨好手若是行家直欲掩鼻而吐

龍出海雲彌島嶼虎搖林樹動巖根雨乾風盡無消
息龍虎呼來護竹門

海慧惺

桂影婆娑貫斗牛依依楊柳鎖輕舟關山極目不堪

顧白雁黃蘆一色秋

禪南音

淡山人境與城別旋採生柴帶葉烘滿室白雲推不

出半牕月映半牕松

德實信

積翠因僧問未開口以前乞師指示師曰東風急
帶雨笠僧佇思師曰白雲早已過新羅

法林音云就地彈死雀惟一不妨作家若向空中搏
鷄子猶欠一著在 道權高云者僧無門可入積翠
無門可出

華嶽山人洞裏眠天台遊客石橋邊艸鞵踢斷夢初
醒彈指相逢路八千

壽寧恒

騰空彩鳳衝霄去出洞蒼龍帶雨過試問箇中消息
子白雲早已過新羅

法林音

僧摩馬一騰居士因陸文垓問曰向叅父母未生前至今未有消息士曰汝未到無消息地垓曰師向謂青色青光作麼生士曰我如今又不與麼說淨土黑如黍

法林音云我如今又不與麼倒不妨令文垓疑著乃云淨土黑如黍與青色青光相去多少

水無舟楫陸無車古路霜橫鴈影斜將謂故鄉消息斷天涯依舊有梅花

海慧惺

杜鵑聲裏鼓融和碎剪紅羅引客過行到溪邊凭極目一層波湧一層波

礪南音

東魯西秦各有心陰謀只爲用來淡烟塵息得無餘事六國連兵不敢侵

正魁詰

賣鹽翁路逢一僧去覆船問覆船路向甚麼處去翁良久僧再問翁曰你患聾那僧曰你向我道甚麼翁曰向你道覆船路僧曰翁莫會禪麼翁曰莫道會禪佛法也會盡僧曰你試說看翁挑鹽示之僧曰難翁曰你喚者箇作甚麼僧曰鹽翁曰有甚麼交涉僧曰你喚作甚麼翁曰不可更向你道是鹽

法林音云直饒會盡佛法肩頭擔子端的不會卸卻

然在今之世覓箇漢也難得

翁翁慣解賣私鹽衲子無端問覆船兩箇伎窮歸不
得都盧只在半途邊

海慧惺

山作劒噴水作刀風雲變化鼓蕭騷誰能獨向秦川
去爲我拈來蓋膽毛

法林音

冒露持竿向水濱一重烟雨一重春及乎轉到漫漫
處卻被旁人笑指陳

栗菴鼎

台州黃巖濠頭覺真安人晚年就邑中明因寺側
開接待一僧提包笠直入臥內真問是甚麼僧曰
行腳僧真遽指其足曰艸鞵繩斷爲甚不知僧無

對真便將包笠擲出曰者裏無汝措足處

法林音云者僧行腳黃巖腿痛者裏無措足處三十
棒自行還須自領始得

木人帶月投空谷石女穿雲入鬧藍兩地相思天萬
里至今猶自憶江南

海慧惺

一身還有一身愁牢落關山恨不休邊塞近傳郎計
至者回不夢大刀頭

礪南音

黃巖因明奎長老相看真曰聞說長老夜來生得
兒子是否奎曰且道是男是女真曰雞銜燈盞走
鼈齧釣魚竿

法林音云男女面目覺真不妨歷歷供出盡道明奎
貪程太速法林齧緊牙關道箇瞎以俟後之君子復
頌

青波湧出玉團團誰解當機著眼看無限秋光收拾
盡更闌惟覺曉風寒

特牛產下玉麒麟奕奕祥光透四隣忙把陰陽頻借
問芭蕉葉上綠初勻

宗鑑法林卷七十二終



